



Universitätsbibliothek Paderborn

V. P. Gasparis Druzbicki, Societatis Jesu, Opera Omnia Ascetica

Aucta Duobus Opusculis De Effectibus, Fructu, Et Applicatione Sanctissimi
Missæ Sacrificii, Et De Sublimitate Perfectionis Religiosæ. Catalogum
Tractatum Asceticorum Omnium Vicina Post Dedicacionem Pagina
Indicabit

V. P. Gasparis Druzbicki, Societatis Jesu, Jesus Passus Per Centuriam
Modorum Meditandi passionem Salvatoris nostri illustratus; cui
accesserunt Meditationes In Passionem Domini XLVI. - Juxta numerum
dierum Quadragesimæ

Druzbicki, Kaspar

Ingolstadii, 1732

VD18 90066405

82. Considerando Passionem Domini, scrutari qualiter in ea elucescant
Spiritûs Sancti tam Dona, quàm fructus.

urn:nbn:de:hbz:466:1-45427

pter eum impendisse. Hoc igitur nunc faciamus, hoc nunc frequentemus, & vel saltem superflua, minusque necessaria nostra, in hos usus impendamus, ut quod nobis superest, pauperibus autem deest, *eleemosynam dantes, omnia peccata nostra, tam quoad culpam, quam quoad penam, munda sint nobis.*

Luc. II. 41.

MODUS LXXXII.

Modus Octogesimus secundus meditandi Dominicam Passionem est. Scrutando in ea septem dona Spiritus Sancti, nec non duodecim fructus ejusdem, quos omnes, indubitatum est requievisse super Christum semper, & eluxisse in omni vita, Passione, & Morte ejus. Et de donis quidem attestatur Isaias, cum discrete loquens de Christo. *Et egredietur (ait) virga de radice Jesse, & flos de radice ejus ascendet, & requiescet super eum Spiritus Domini, Spiritus Sapientiae & Intellectus Spiritus consilii & fortitudinis, Spiritus scientiae, & pietatis, & replebit eum Spiritus timoris Domini.* Quibus verbis manifestè loquitur Propheta de Messia Christo ex Virgine MARIA, Jesseæ propaginis filia nascituro, & inter nos in mundo conversaturo, & in cruce exaltando, ubi & efflorescere debuit, in Nazarenum Regem Judæorum, & abundantiam donorum suorum & fructuum repleturus universam orbem terrarum, ramosque suos expansurus usque in fines terræ: ad instar arboris illius apud Daniele Prophetam, *cujus altitudo pertingit ad calum, & aspectus illius, in omnem terram, & rami ejus pulcherrimi, & fructus ejus nimius, & ejus*

Isaia II. 1.

S:
G:
oper
TOT
N:
S:

omnium in ea, subter eam habitantes bestiae agri, & in ramis ejus commorantes aves caeli. Cui arbori longè justius comparari debet Dominus noster Iesus Christus, quàm Babylonis Rex. Jam verò de fructibus ejusdem Sancti Spiritus in cruce potissimum Christi requirendis, & inveniendis luculenter etiam asserere videtur Paulus Apostolus, qui cum dixisset, quod *fructus Spiritus est Caritas, Gaudium, Pax, Patientia, Benignitas, Longanimitas, Mansuetudo, Fides, Modestia, Continentia, Castitas*; hoc inquam cum docuisset, mox subjecit. *Qui autem Christi sunt, carnem suam crucifixerunt, cum vitis & concupiscentiis.* Per hoc procul dubio indicare volens, fructus Spiritus per crucifixionem sui, & per participationem crucis Christi esse conquirendos, utpote ibidem potissimum à Christo reservados, atque propter suos fideles electosque tum depositos, tum exhibitos, inique ab iisdem requirendos & decerpandos, qua de re licebit meditari hunc in modum Passionem Domini.

I. Igitur in Christi Passione elucescit Spiritus Timoris Domini. Cum enim Christus Passus sit pro peccatis nostris, & Justitiæ Dei pro iis plenè, & supra mensuram debitam satisfecerit, omnemque severitatem & rigorem iræ Paternæ in se exceperit, mortemque, & mortem quidem crucis, omni genere probri, amaritudinisque exaggeratam subierit. Quis non videt ex tanto spectaculo, quanta sit vel peccati enormitas, malitiaque, vel rigorositas Justitiæ Divinæ vel peccatorum peccatis nostris, aut potius, propter peccata nostra, nobis debitarum magnitudo, quandoquidem necesse fuit Christum Domi-

Handwritten notes in the right margin, including a large 'V' and '8'.

num unigenitum Dei tanta perpeti, & tam crudeliter probrosèque emori. Ex quo tanto exemplo, nonne meritò Spiritus Timoris Dei concipitur parturiturque, ut tandem pariatur spes salutis: Qui est, declinare ab omni malo, neque defluere in concupiscentiam delectabilium, tam Carnis, quàm mentis vanitatum, nec ad eò penam metuere peccatorum à Deo, quàm potius peccatum ipsum abhorrere in Patrem, propter cujus reverentiam, tam dira sustinuit unigenitus ejus in cruce. Ad hoc Timoris casti donum spectat fructus *Modestiae*, moderans animam, fructus item *Continentiae*, frenans sensualitatem: denique fructus *Castitatis*, sciens possidere vas suum in sanctificationem.

II. Elucescit quoque in Passione Domini nostri *Donum Pietatis* unâ cum fructu *Bonitatis* atque *Benignitatis*. Quid enim Pium, quid Bonum, atque Benignum magis cogitari potuit, aut potest, quàm Dominus noster JESUS CHRISTUS? qui usque ad eò in Deum, & in proximum pius benignusque apparuit, ut propter pietatem hanc, etiam pro peccatoribus, pro inimicis, pro indignis, pro ingratis, pro inutilibus, tam amarum Passionem sustinere non dubitaverit. Ubi quæso, & ex quo exemplo Christianus discet pietatem, in Deum, in proximum, in seipsum, si ab exemplo Christi Domini, Magistri ac Regis sui eam non discet? Ubi discet habere Christianus voluntatem pronam, ad volendum bene, & promptam ad faciendum benignè cui libet proximo propter DEUM, si eam à Patiente, & in Patiente Domino suo non discet?

III. Elu-

G:
B
oper
TOT
N:
S:

III. Elucescit quoque in Passione Domini Donum *Fortitudinis*, simulque fructus *Patientiæ*: cujus opus est, pericula vitæ, arduos labores, detrimenta bonorum, jacturas honoris, aliaque his similia hominibus vulgò pretiosa, contemnere, & aggredi, & appetere, & perferre, & vincere propter Deum, eo modo quo videmus Dominum Jesum, in Passione potissimum sua, hæc plus, quam heroicâ fortitudine patientiæque, non solum aggressum esse, verum etiam plenissimè debellasse. Hoc suo exemplo erudiens fideles suos, nihil omnino in hoc mundo formidare, præter unum ac solum Deum, qui solus revera timendus est, & quem solum formidare, vera est Fortitudo, & magnanimitas maxima.

IV. Elucescit quoque in Domini nostri Passione, *Consilii Donum*, fructusque *Longanimitatis*. Contempsit enim Dominus noster omnia, quæ hic mundus æstimat, & totis viribus quaerit, atque concupiscit, & coacervat. Sive quæ ad concupiscentiam oculorum, sive ad concupiscentiam carnis, sive ad vitæ superbiam factumque pertinent, vitam denique ipsam & famam, & incolumitatem omnem postposuit, uni Divinæ gloriæ, salutique nostræ. Per hoc dans nobis exemplare consilium, quo salubrius nobis esse potest nullum. Ut scilicet impendamus nos Deo, ejusque obsequio, præ omnibus aliis desideriis, studiisque nostris; imò omnia illa exuamus penitus, ut in hoc solum toti vacemus. Etiam si eâ causâ esset nobis exhauriendus calix totus vilificationum, dolorum, mendicitatis, contradictionis, persecutionis,

odiorum, & periculorum, & quidquid est demum in Passione Domini nostri; ut eius ad instar simus, totique in illum contemptum, pauperem, stultificatum, dolentem, crucifixum, omnique opprobriorum ac miseriarum genere saturatum transformemur, gaudentes nos ejus dignationibus indutos esse. Nullum enim salubrius & gloriosius consilium Christiano esse potest, quam indui Dominum suum JESUM Christum, & in eum penitus visceraliter transformari. Ad hæc docet nos Dominus Passione suâ pro nobis, illud consilium, ut studeamus juvare miseros in eorum necessitatibus, ut & ipsi mereamur juvari in nostris à Domino. Quia enim labor & dolor invenerunt & possederunt nos in ista vita, & ni-

Aug. lib. 1. de Serm. Dom. in Monte c. 4. si quisque adjuvetur a superiore, nullo modo sibi est idoneus, ut se se tantis miseriarum implicamentis expediat: idcirco est justum consilium, ut qui se à Potentiori adjuvari vult, adjuvet ipse infirmiore, in quo est ipse potentior.

V. Elucescit in Passione Domini etiam *Donum Scientiæ, Mansuetudinisque fructus.* Sive enim hæc sit illa scientia supereminens charitatis Christi, quâ scitur Longitudo, Latitudo, Sublimitas, & Profundum Crucis Christi, sive sit scientia ineffabilium secretorum & causarum Dei, quibus mota Sapientia, Potentia, Bonitas, Misericordia, Justitia, Charitas, veritasque ejus, per Incarnationem Filii Dei, salutem nostram operari, gloriam suam manifestare, omnia, quæ per peccatum in coelo & terra destructa erant, morte Christi reparare, & constituit, & re ipsâ perfecit: Sive etiam sit scientia sacrarum scripturarum, qua-

G:
B:
oper
TOT
N:
A:

tenuis illæ, Christum, partim expressè, partim
 figuraliter, non minori artificio, quàm dulcore
 prorsus divino, ubique sonant, ut ubique in eis
 Christus, maximè Passus, inveniri possit. Sed
 Sacram Scripturam non superbè discutere, neque
 arroganter reprehendere oportet, verùm humi-
 liter inclinatâ cordis cervice, jugum ejus eloquii,
 fluentaque mysteriorum interiorum, in quibus
 & Elephas tumidus natat, & Agnus mansuetus
 ambulat, subintroire; rogando, & pulsando cum
 Sponsa Domini, ut introducatur in cellas vina-
 rias ejus. Sive etiam scientia hæc sit Cognitio
 visibilium istarum rerum, quas inter versamur,
 quibus etiam utimur; & quibus, si modò novi-
 mus & volumus, neque oblectantes lumini fidei
 nostræ sumus, tanquam per scalarum inferiores
 gradus ad Superiores ascendimus, & tanquam
 per exteriores portas atriaque ad interiores adi-
 tus habitationesque, tanquam per materialia ad
 spiritualia, tanquam per creata ad divina, tan-
 quam per visibilia & circumscripta, ad invisibilia,
 & lumine circumscripto latenter patentia, intro-
 gredimur, aut potius à Spiritu magistro, veluti
 manu ducimur. Omnibus his scientiæ sive ge-
 neribus, sive partibus Passio Domini Nostri re-
 dundat, & contemplatorem sui humilem, devo-
 tum, mansuetumque replet, juxta illud quod di-
 ctum est. *Docebit mites vias suas.*

Pf. 24. 8.

VI. Elucescit in Passione Domini Donum
Intellectus, & Fidei fructus. Cùm enim Passionis
 Dominicæ penitiora ingreditur Anima, cujus cor
 fide purificatum est, sanguine Christi ablutum,
 vulneribus charitatis faucium, Cruce Christi sa-
 ginatum, morte vivificatum, redditur anima ido-

Mm 5

nea

Handwritten notes in the right margin, including a large 'D' and other illegible characters.

nea ad percipiendas penetrandasque veritates illas, ob quarum confirmationem Christus in Passionis labores, atque aded in ipsam mortem, mortem autem crucis descendit. Intelligit specialiter Anima in Domini Passione erudita, pretium sui, & quidem non à qualicumque aestimatore, sed ab ipsa sapientia Æterna, atque Prima Veritate: cujus iudicio atque sensu, de pretio & valore sui, ex Passione Christi cognito, agnoscit se unam solam, universo mundo pretiosorem, agnoscit nullam esse ponderationem, quæ sibi comparari possit, agnoscit nullam in creaturis etiam simul omnibus, commutationem posse fieri, sciens disertè dictum à Veritate Æterna. *Quid prodest homini, si universum mundum lucretur, anime vero sua detrimentum patiatur, aut, quam dabit commutationem homo pro Anima sua;* Agnoscit adhuc se plures aestimatum esse, quàm ipsummet sanguinem, vitamque Christi, quando quidem ille sanguinem pro ea fudit, vitam suam in mortem dedit. Agnoscit quoque per sui unius reparationem, reparari quoque omnia, sive quæ in cælo, sive quæ in terra, aded ut ipsæ Angelicæ ruinae, ab hac reparatione, sui quoque instaurationem & expectent, & accipiant. *Placuit enim Deo instaurare omnia in Christo;* per mortem quidem Christi, per vitam verò Humanæ Animæ. Agnoscit denique viluisse propemodum sibi ipsum Deum propter Animam, cætera quidem pauperem, & planè per omnia miseram, attamen Dei aestimatione quasi Deo, & Unigenito ejus pretiosorem, ita ut non vereatur dicere. *Qui dilexit me, tradidit se ipsum pro me.* Et quidni præsumat hæc, quando audit ipsum Dei Unigenitum profitentem,

Matt. 16. 26.

Job. 1. 10.

Gal. 2. 20.

G:
B:
oper
TOT
N:
S:

Sic
ces,
genit
omni
perpl
solibr
tione
tanto
suo.
nihil
ut nih
xum:
fermo
fixum
Cruci
Cruci
Cruci
& hun
me, d
& hun
V
Donun
cis, &
cet, ei
ibi agr
tia sit,
& Pax
omne
lo moc
tia Dei
statim
seratio
ritatis,
ipsum

Sic Deus dilexit mundum (Animas utique Amatri-
ces, inquilinas hujus mundi) ut Filium suum uni-
genitum daret, ut mundus salvetur per ipsum. Hæc
omnia anima discit perquam luculenter, atque su-
perplenè ex unico Passi Christi in Cruce expan-
solibro. Unde etiam intelligit omnem obliga-
tionem suam, quâ obstricta est, tanto amatori,
tanto appretiatori, tanto emptori, & Servatori
suo. Intelligit, illud se potissimum debere, ut
nihil sciat aliud, nisi JESUM, & hunc Crucifixum:
ut nihil possideat nisi JESUM, & hunc Crucifi-
xum: ut nihil repræsentet in se, in moribus, in
sermonibus, in vita, nisi JESUM, & hunc Cruci-
fixum, ut nihil inhabitet, nisi JESUM, & hunc
Crucifixum: nihil induat nisi JESUM, & hunc
Crucifixum. ut nihil spiret nisi JESUM, & hunc
Crucifixum. ut denique nihil vivat, nisi JESUM,
& hunc Crucifixum. O Bone JESU Passè pro
me, da mihi intellectum, & vivam Te JESUM,
& hunc Crucifixum.

VII. Elucescit etiam in Passione Domini.
Donum Sapientiæ, & simul fructus Charitatis, Pa-
cis, & Gaudii. In Christo enim Passio, si quid elu-
cet, elucet maximè sapientia Dei, adeò, ut eam
ibi agnoscere & degustare, consummata sapien-
tia sit, quam non potest non comitari Charitas,
& Pax, & Gaudium, exsuperans omnem sensum,
omne votum, omnem captum. Fieri enim nul-
lo modo potest, ut quis ingressus cellaria sapien-
tiæ Dei, in Christi scilicet vulnera intromissus, non
statim repleatur vino Charitatis, Bonitatis, Mi-
serationis, Liberalitatis, Justitiæ, Potentiæ, Ve-
ritatis, & omnis denique Divini Boni, atque adeo
ipsumet Divinitatis, tam quoad essentiam, quàm
quoad

quoad Personas, quàm denique quoad Incarnationis Verbi œconomiam universam. Adhuc autem in Christi Passione, seu Christo Passio, repræsentatur multiformis sapientia Christi, secundum quam ille sese erga Deum Patrem suum gessit, nullam omnino speciem refugiens, quâ assumptâ posset gloriæ & gustui Patris subervire. Ergo se Christus Patri gessit ut Deum æqualem Deo, ut Unigenitum & Filium, ut Regem Regum, & Dominum Dominantium, gessit etiam se ut servum, ut mancipium, ut jumentum, gessit se ut egenum, ut vilem, ut stultum, ut blasphemum, ut impiis improbiorem, ut amicum publicanorum, ut legis dissolutorem. Gessit se insuper ut peccatorem, ut peccatum, ut maledictum. Gessit se ut rotius mundi scelerum reum, ut quasi non filium, quasi à Deo derelictum, quasi infamem, & probrosum, & dæmoniacum, in furorem versum, pseudoprophetam, non à Deo hominem, demumque in patibulo Crucis in medio latronum mortuum, tandemque sepultum. Quis adeò multiformem formam Christi nostri intueas, assequatur, & eloquatur sapientiam Dei, quis affirmet hac ratione agi salutem mundi, sic redimi genus humanum, sic aboleri peccatum, sic diabolus vinci, sic mundum calcari, debellari carnem, superari mortem, spoliari infernum, referari cælum, iram Dei placari, aboleri offensas, iustitiæ satisfieri, rebus pacem dari, exaltari Deum, gloriam ejus propagari, misericordias effundi, veritatem probari, promissa compleri; Quis credat his mediis ad illos fines pertingi? Quis speret his argumentis inveteratissimos errores mundi confurari, convinci, dedoceri, stultitiam prædicationis

G:
B:
oper
TOT
N:
S:

rationis amplecti, & in probro scandaloque Crucis gloriari? Crucifixum inter latrones, ut Deum agnosci, coli, exaltari, omnibus viribus, omnibus operibus, omnibus impensis, sanguinis, honoris, libertatis, vitæ, inter omnes gentes, in omnibus regionibus terræ, in omnibus sæculis temporum? Ergo unum solumque Christum Crucifixum nôsse rota sapientia est, eum autem solum ignorare, absoluta stultitia. Quoniam verò sapientia saporem habere debet, quo si careat, sapientia nec esse, nec dici potest; totum hoc, quod sapientia agnoscit intellectu, etiam voluntate sapere, gustare; atq; veluti manducare debet. Iraque quisquis supra dicta in Christo Passio & ex Christo passo cognoscit, eadem etiam voluntatis affectibus juxta cujusque exigentiam tenere, atq; sapere, seu sapere debet: potissimum autem, Deum super omnia æstimando, proximum sicut semetipsum diligendo, ad sui contemptum omnimodum, exemplo Christi, & desiderio similitudinis ejus anhelando, peccatum super omnia mala odiendo, & fugiendo. Dei voluntati cordialiter æternaliterque secundum ipsammet voluntatem Dei inhærendo, deque ejus obedientia tam summe gaudendo, quàm de inobedientia medullitus dolendo, denique secundum imaginem Crucifixi JESU ita omnia in Anima, & corpore, inque omnibus viribus horum, ita inquam ordinata, pacata, Christo conformia habendo, ut nullus in homine motus adversus rationis lumen, adversus fidei ductum, adversus exemplaris Christi regulam, rebellis sit; sed cuncta obtemperent homini in homine, prout & ipse homo plene obtemperet Deo: sicque fruatur & gaudeat

Druck
 i c k i
 = 2800
 n 15 III
 V
 8

deat homo ipso se sibi subiecto, sicut fruatur & lateatur idem homo, Deo sibi benignè familiari, & familiariter benigno.

Hunc igitur in modum Passio Christi Donorum fructuumque Spiritus, & speculum, & magistra, & largitrix est iis, quibus interiora eius patefcunt. Patefcunt autem illis, qui in Passione Domini, obstinatâ assiduitate erudiri laborant, & gaudent, in exaltatione Dei, in dilectione proximi, in vilificatione, & exinanitione & perditione sui, in odio peccati, in imitatione JESU Christi, propter JESUM, & hunc Crucifixum.

MODUS LXXXIII.

Octogesimus tertius Passionem Dominicam meditandi Modus esse potest; Considerare illam, quomodo omnia septem Sacramenta Ecclesie ab ea manant, efficaciamque omnem sumunt. Cum enim Passio Domini sit una & sola, & universalis medicina vulnerum, apotheca pharmacorum, balneum puritatis, debellatio & victoria hostium, armatura contra omne inimicorum genus, sacrificium pro peccatis, & holocaustum, mors vitiorum, vita virtutum, thesaurus meritorum, fons gratiarum, officina sanctificationis, resuscitatio mortuorum, conciliatio pacis, testamentum fœderis æterni, placatio Patris æterni, clavis cæli, jus ad beatitudinem æternam, & denique totum id, quicquid ad salutem nostram pertinet. Sacramenta autem sint totius Passionis hujus, omniumque in ea contentorum bonorum receptacula, & veluti gazophilacia ex quibus Ecclesia pro usu, necessita-

G:
B:
oper
TOT
N:
S: